

यदिन्विद्र पृथिवी दशभुजिरहानि विश्वा ततनंत कृष्टयः ।
 अत्राह ते मघवन्विश्रुतं सहो द्यामनु शर्वसा बर्हणा भुवत् ॥ ११ ॥
 त्वमस्य पारे रजसो व्योमनः स्वभूत्योजा अवसे धृषन्मनः ।
 चकृषे भूमिं प्रतिमानमोजसोऽपः स्वः परिभूरेथा दिवं ॥ १२ ॥
 त्वं भुवः प्रतिमानं पृथिव्या ऋष्ववोरस्य बृहतः पतिर्भूः ।
 विश्वमाप्रा अंतरिक्षं महित्वा सत्यमद्वा नकिरन्यस्त्वावान् ॥ १३ ॥
 न यस्य द्यावापृथिवी अनु व्यचो न सिधवो रजसो अंतमानश्रुः ।
 नोत स्ववृष्टिं मदे अस्य युध्यत एको अन्यच्चकृषे विश्वमानुषक् ॥ १४ ॥
 आर्चन्त्र मरुतः सस्मिन्नाजौ विश्वे देवासौ अमदन्नु त्वा ।
 वृत्रस्य यद्गृष्टिमता वधेन नि त्वमिन्द्र प्रत्यानं जघंथ ॥ १५ ॥

५३

न्यू३षु वाचं प्र महे भरामहे गिर इन्द्राय सद्ने विवस्वतः ।
 नू चिद्धि रत्नं ससतामिवाविदन् दुष्टतिद्विणोदेषु शस्यते ॥ १ ॥
 दुरो अश्वम्य दुर इन्द्र गोरसि दुरो यवस्य वसुन इनस्पतिः ।
 शिक्षानरः प्रदिवो अकामकर्शनः सखा सखिभ्यस्तमिदं गृणीमसि ॥ २ ॥
 शचीव इन्द्र पुरुकृद्युमत्तम तवेदिदमभितश्चेकिते वसु ।
 अतः संगृभ्याभिभूत आ भर मा त्वायतो जरितुः काममूनयीः ॥ ३ ॥
 एभिद्युभिः सुमना एभिरिदुभिर्निरुधानो अमतिं गोभिरश्विना ।
 इन्द्रेण दस्युं द्रयंत इन्दुभिर्युतवेषसः समिषा रभेमहि ॥ ४ ॥
 समिन्द्र राया समिषा रभेमहि सं वाजेभिः पुरुश्चन्द्रैरभिद्युभिः ।
 सं देव्या प्रमत्या वीरश्रुषमया गोअग्रयाश्चावत्या रभेमहि ॥ ५ ॥
 ते त्वा मदा अमदन्तानि वृषण्या ते सोमासो वृत्रहत्येषु सत्पते ।
 यत्कारवे दश वृत्राण्यप्रति बर्हिष्मते नि सहस्राणि बर्हयः ॥ ६ ॥
 युधा युधमुप घेदैषि धृष्ण्या पुरा पुरं समिदं हंस्योजसा ।
 नम्या यदिन्द्र सख्या परावति निबर्हयो नमुचिं नाम मायिनं ॥ ७ ॥